

AKHBAR : BERITA HARIAN

MUKA SURAT : 7

RUANGAN : NASIONAL

Jalan pintas jadi doktor

Proses dapat SSLN perlu dikaji semula

Lulusan SPM patut disaring pastikan layak ke luar negara

Oleh Irwan Shafrizan Ismail,
Suhaila Shahruh Annur
dan Ilah Hafiz Aziz
bhnews@bh.com.my

Putrajaya: Proses mendapatkan Sijil Sokongan Luar Negara (SSLN) atau *No Objection Certificate* (NOC) bagi lulusan Sijil Pelajaran Malaysia (SPM) yang mahu melanjutkan pengajian perubatan di luar negara, perlu dilihat semula.

Menteri Kesihatan, Datuk Seri Dr Dzulkefly Ahmad, berkata sebelum pelajar termasuk di bawah pembinaan sendiri melanjutkan pengajian perubatan di luar negara, mereka perlu disaring dan ditemuduga bagi memastikan layak mengikuti kursus itu.

"Pelajar terbabit perlu antara lain sebelum ke luar negara adalah mendapatkan SSLN. Jadi mereka perlu mengikuti prosedur dan pada hemat saya, ia (proses mendapatkan SSLN) perlu dilihat semula, tapi itu di bawah kuasa Kementerian Pendidikan," katanya.

Mengenai dakwaan ada pelajar dan lulusan perubatan universiti luar negara menggunakan SSLN palsu untuk bergelar doktor, beliau berkata, perkara itu tidak sepatutnya berlaku.

"Namun, pihak yang menguruskan kemasukan siswazah perubatan menjadi doktor di negara ini manuji menyarang perkara itu (penipuan) berdasarkan kelayakan lulusan berkenaan," katanya.

Beliau berkata demikian pada sidang media selepas Majlis *Embracing Style In Breastfeeding* sempena Sambutan Minggu Penyusuan Susu Ibu Sedunia 2019 di sini, semalam.

Katanya, bidang tugas kementeriannya hanya apabila pelajar menamatkan pengajian dan pulang ke tanah air untuk proses seterusnya ketika dahulu, Dr Dzulkefly mengakui perkara itu dan mahu ia diatasi segera termasuk pembabitan ejen.

"Apabila menamatkan pengajian perubatan, pelajar tetap perlu melalui saringan MPM bagi me-

mastikan universiti dan ijazah yang dimiliki diliktiraf, sebelum boleh berkhidmat sebagai pegawai perubatan.

"Sekiranya universiti tidak diliktiraf, perlu menduduki peperiksaan Kelayakan Prapendaftaran bagi membolehkan mereka didatari untuk mengikuti program latihan doktor pelatih (housemanship)," katanya.

Mengenai kursus perubatan di beberapa negara yang dilikesan menyertai modus operandi universiti tertentu di Ukraine suatu ketika dahulu, Dr Dzulkefly mengakui perkara itu dan mahu ia diatasi segera termasuk pembabitan ejen.

"Ejen dan pihak yang urus (kemasukan pelajar) tidak harus lihat dari sudut komersial sahaja



Dr Dzulkefly Ahmad

kerana yang akan rugi adalah pelajar. Ejen jangan ambil peluang jadikan pembelajaran sebagai cara untuk kaut untung, perlu juga bertanggungjawab," katanya.

Sementara itu, Menteri Pendidikan, Dr Maszlee Malik ketika ditanya isu sama pada sidang media pengumuman penerima Anugerah Sastera Negara Ke-14 semalam, berkata prosedur melayakkan seseorang menjadi doktor ditentukan MPM, bukan kementeriannya.

"Untuk seseorang itu dinilai layak terbabit dalam profesion perubatan ditentukan oleh badan profesional perubatan. Justeru, isu graduan guna jalan pintas jadi doktor perlu dirujuk kepada Kementerian Kesihatan kerana mereka yang menerima doktor ber tugasan," katanya.

AKHBAR : BERITA HARIAN

MUKA SURAT : 13

RUANGAN : NASIONAL

Pegawai perubatan pantau 2,175 calon UPSR

Penambahan sebagai langkah proaktif jika berlaku kecemasan di Pasir Gudang

Oleh Mohamed Farid Noh
farid_no@bh.com.my

Johor Bahru: Jabatan Kesihatan negeri menempatkan pegawai perubatan tambahan di Pasir Gudang berikutnya 2,175 murid di kawasan itu menduduki Ujian Pencapaian Sekolah Rendah (UPSR) mulai hari ini.

Pengerusi Jawatankuasa Kesihatan, Kebudayaan dan Warisan Johor Mohd Khuzzan Abu Bakar, berkata ia dilakukan di dua klinik kesihatan sebagai persediaan menghadapi kecemasan berhubung kesihatan calon UPSR di kawasan berkenaan.

"Pegawai perubatan tambahan diletakkan dalam keadaan berjaga-jaga di Klinik Kesihatan Pasir Gudang serta Klinik Kesihatan Masai, esok (hari ini), sebagai langkah proaktif jika berlaku kecemasan membabitkan calon UPSR.



Mohd Khuzzan menampal notis amaran pemeriksaan ketika operasi pengawalan di Taman Damai Jaya, Skudai, semalam.

"Tiada pegawai perubatan atau pasukan kecemasan ditempatkan di sekolah kerana kehadiran mereka diikhuiati mendatangkan tekanan emosi kepada calon UPSR, namun persediaan secukupnya sudah diambil.

"Semua peperiksaan UPSR di Pasir Gudang diarah dijalankan di tingkat bawah," katanya.

Beliau berkata demikian kepada pemberita selepas melepaskan skuad Program Skuad Komunikasi Untuk Perubahan Tingkah Laku (COMBI) bagi Operasi

Pengawalan Premis Individu (OPPI) di Taman Damai Jaya, Skudai, dekat sini, semalam.

Yang turut hadir, Timbalan Pengarah Kesihatan Johor (Kesihatan Awam), Dr Shaharom Nor Azian Che Mat Din.

Laporan sebelum ini menyebut, seramai 11,256 murid Tahun Satu hingga Tahun Lima di 12 sekolah sekitar Pasir Gudang diberi cuti sepanjang UPSR berlangsung.

Pegawai Pendidikan Daerah Pasir Gudang, Jasni Omar, di-

petik sebagai berkata, ia adalah langkah berjaga-jaga untuk memastikan tiada berlaku insiden tidak diingini, termasuk gangguan kesihatan yang boleh menjaskan tumpuan calon UPSR menghadapi peperiksaan.

Rabu lalu, 33 murid Sekolah Kebangsaan (SK) Taman Pasir Putih, Pasir Gudang, dilaporkan diantar ke klinik berdekatan kerana mengalami gejala muntah akibat terhadu bau busuk yang tidak dikenal pasti punca-

AKHBAR : HARIAN METRO
MUKA SURAT : 9
RUANGAN : SETEMPAT

Suliati Asri
suliati@hmetro.com.my

Kuala Lumpur

Wad Pediatrik Hospital Ampang yang menempatkan 12 katil termasuk unit penjagaan rapi neonatal menggunakan terapi bermain sebagai satu cara berkomitmen dan merawat pesakit mereka serta membantu menguruskan emosi si kecil.

Seperi kebanyakan wad pediatrik, hospital ini juga mempunyai sudut Main dan Belajar yang diwujudkan untuk memudahkan terapi bermian.

Menariknya, sudut Main dan Belajar di hospital berwajah baharu dan mempunyai persekitaran lebih ceria dengan perabot, alat tulis, mainan, buku serta lantai tukar hopscotch.

Lebih bermakna, perubahan wajah sudut yang cukup penting untuk si kecil itu adalah sumbangan masyarakat Malaysia yang prihatin dan juga Petronas.

Timbalan Pengarah Urusan Hospital Ampang, Mohamed Fauzi Mohamed Hanafiah berkenan, keutamaan di Hospital Ampang adalah memperbaiki kemudahan sedia ada untuk memberikan persekitaran yang lebih baik kepada pesakit terutama kanak-kanak.

Bagaimanapun, katanya, sumber yang ada adalah terhad dan pihaknya gembira apabila Petronas memilih wad ini sebagai yang pertama menerima bantuan.

"Sumbangan ini sangat



KECERIAAN si kecil memberi seribu makna yang tidak tergambar.

membantu pihak hospital," katanya.

Inisiatif itu adalah sebahagian daripada kempen *Small Change Goes the Distance Petronas* Dagangan Berhad (PDB) yang dianjurkan sempena Ramadan sehingga Syawal bermula 28 Mei hingga 28 Jun lalu.

Dalam tempoh itu, PDB mendermakan 1 sen daripada setiap pembelian RMI yang dibuat pelanggan di Kedai Mesta Petronas di seluruh negara.

Secara keseluruhan, PDB menyumbang lebih dari RM90,000 kepada wad kanak-kanak di enam hospital terpilih iaitu

Suntik semangat sihat

■ Enam hospital terpilih seluruh negara terima sumbangan Petronas

KEMEPEN Petronas sudut Main dan Belajar beri suasana ceria di wad kanak-kanak.



Hospital Ampang KL, Hospital Raja Perempuan Zainab II Kelantan, Hospital Pulau Pinang, Hospital Besar Melaka, Hospital Sibu, Sarawak dan Hospital Wanita & Kanak-Kanak, Kota Kinabalu, Sabah.

Hospital Ampang menjadi peneroka pertama dengan sumbangan RM15,000 berserta beg hadiah untuk kanak-kanak yang dimasukkan ke wad selain memperbaharui ruang Main dan Belajar.

Ketua Pernilagan Runcit PDB, Khalil Muri berkata, setiap Ramadan pihaknya menjadikan ia sebagai satu titik untuk menyumbang kembali kepada komuniti yang kurang bernasib baik.

"Pekerja PDB mengembara ke seluruh negara untuk membantu memperbaharui sudut Main dan Belajar sedia ada di hospital terpilih."

"Buku-buku yang dikumpulkan di stesen Petronas yang ditetapkan

semasa kempen juga diagharkan ke wad.

"Kami juga ingin mengucapkan terima kasih kepada pelanggan kerana menyokong kempen ini. Sesungguhnya, perubahan yang kecil ini akan membawa kita jauh ke hadapan," katanya.

Seperi kilauan dalam kegelapan, sudut kecil ini menjadi tempat



“Tiada apa yang dapat membahagiakan hati kami saat melihat kanak-kanak ini mengukir senyuman yang cukup ceria”

Syed Zainal

KHALIL memberikan beg hadiah kepada kanak-kanak yang dirawat di Hospital Ampang.



kegembiraan mereka dalam wad.

Di sini juga kanak-kanak mencari kegembiraan ketika menjalani rawatan dan pesakit yang tinggal jama dapat merasai tempat yang lebih menarik.

Sementara itu, Pengarah Urusan dan Ketua Pegawai Eksekutif PDB, Datuk Seri Syed Zainal Abidin Syed Mohd Tahir berkata, kanak-kanak adalah masa depan dan kita sepatutnya mengambil bahagian dalam memastikan kesejahteraan mereka dijaga.

"Kempen ini adalah satu perjalanan penuh bermakna yang kami dapat kongsikan bersama rakyat Malaysia.

"Tiada apa yang dapat membahagiakan hati kami saat melihat kanak-kanak ini mengukir senyuman yang cukup ceria," katanya.

AKHBAR : SINAR HARIAN

MUKA SURAT : 35

RUANGAN : SINAR SELATAN

Denggi di Johor meningkat 101.2 peratus

JOHOR BAHRU - Kes demam denggi di Johor mencatatkan peningkatan sebanyak 101.2 peratus berbanding tahun sebelumnya.

Exco Kesihatan, Kebudayaan dan Warisan Johor, Mohd Khuzzan Abu Bakar berkata, sehingga 31 Ogos lalu, sebanyak 7,761 kes dicatat berbanding 3,857 kes dalam tempoh sama.

"Peningkatan kes turut membawa peningkatan kematian iaitu 19 kes," katanya pada sidang media selepas pelancaran Operasi Penguatkuasaan Premis Individu (OPPI) Johor di Taman Damai Jaya di sini semalam.

Mohd Khuzzan berkata, berdasarkan siasatan, penyumbang utama peningkatan kes denggi berpunca daripada pembiakan aedes disebabkan pembuangan sampah tidak teratur.

"Meskipun orang ramai telah diingatkan untuk sentiasa membersihkan kawasan rumah terutama bekas pembiakan aedes, tetapi masih ada lagi tempat pembiakan ditemui setiap kali siasatan dijalankan.



Mohd Khuzzan (tengah) memegang bendera Johor sebagai gimik pelancaran OPPI di Taman Damai Jaya semalam.

"Sehubungan itu, kerajaan negeri bersama Jabatan Kesihatan Negeri Johor melancarkan OPPI bagi memastikan masyarakat sedar dan mengambil tindakan sepatutnya bagi menghalang pembiakan aedes.

"Hukuman tegas akan diambil dan sekiranya dijumpai tempat pembiakan jentik-jentik di premis kediaman. Kompaun sebanyak RM5,000 akan dikenakan. Sekiranya gagal membayar kompaun, mereka boleh didenda di mahkamah," katanya.

KES DENGGI DI JOHOR

- Johor Bahru - 74.8 peratus (paling tinggi)
- Kluang - 6.1 peratus
- Kulai - 4.2 peratus
- Batu Pahat - 3.5 peratus
- Muar - 2.4 peratus
- Kota Tinggi - 2.1 peratus
- Segamat - 2.0 peratus
- Tangkak - 1.9 peratus
- Pontian - 1.5 peratus
- Mersing - 1.4 peratus